

MARTA OG MARIA

Tre søsken i Betania
har Herren sjølv som gjest.
Det er for han den heim på jord
som er hans hjarte nest.

Du strevar, Marta, for din gjest
og treng ei hjelparhand.
Så kvifor skal då bøna di
få slikt eit svar frå han?

Kom, Marta kjære, set deg ned
ved foten hans ei stund
og høyr i lag med søster di
på orda frå hans munn.

Den gode del er òg for deg,
hans gåve også di.
Då skal du visst få tene han,
ditt strev skal få si tid.

AB 04.07.2019